

DEDICATORIA.

scriptionisq̄ue meæ genus in aliquot iuste volumina magnitudinis hæctenus excreuit, & auctum est.

Sed vt in omnes benefactores meos Academicos, coniunctim, officiosum me, pium, gratumq̄ue publicè declararem; Illustrissimæ Magnificentia, Dignitatis, & Amplitudinis vestrae *IMAGINES*, ad viuas effigies delineari, fieriq̄ue curauit; versibus meis, singulorum vitam breuissimè referentibus, descripsi; ac defunctorum penè omnium pariter subiunxi; sicq̄ue hanc editionis formam adornauit; vt ijs, vno quasi fasciculo comprehensis, & ob oculos, ad vno veluti obtutu spectandum, & legendum, ordine positis; merita vestra, laudes, & ornamenta longè maxima, hoc modo longè, latèque spargenda, nominis ad vestri memoriã, ab omni obliuionis iniuria meritò vindicandam, propagarem, ac conseruarem.

Neque longè à proposito mei aberrasse me scopo iudicandum esse arbitror. Nam vetus est mos, & à multis Gentibus vsurpatus; vt ijs, qui de literis, de ciuibus, de patria, de vniuersa Repub. bene meriti essent, & viuis & mortuis, præter alia laudum ornamenta, *Imagines* quoq̄ fierent; & priuatim & publicè, virtutis ipsorum spectandæ, admirandæ, exosculandæ, imitandæq̄ue gratiã proponerentur.

Græcis inuentio prima tribuitur: qui Dijs, Imperatoribus, Principibus, Dynastis suis; Poëtis, (Theologis eo tempore) Oratoribus, (Iureconsultis) Medicis, Mathematicis, Historicis, & alijs literatis hominibus *Imagines*, & *Statuas* erexerunt.

Excepta deinde res est à toto terrarum orbe, humanissima,

A

nissima,